

四庫全書

史部

欽定四庫全書

皇朝文獻通考卷一百七

宗廟考一

臣等謹按天子宗廟之禮所重親饗虞夏商周以來歷代各皆舉行而緣情定制惟我

朝為特隆焉唐以太宗貞觀之治親饗廟者二三年

正月戊午十七年四月庚寅耳自後合十七宗而

親饗三十四

馬端臨謂懿宗一王應麟玉海作二咸通元年十一月丙子又四年正月

已巳 宋自太祖親饗四合十二宗而親饗者八十

五然真宗之十二親郊朝享及告行告謁恭謝均
非祫禘時享之正祭仁宗之十三亦朝享及恭謝
而親行祫祭者一馬端臨所謂累朝惟此一親行
也蓋宋之朝享太廟皆郊前之祗告故每於十一
月行之而正祭則未嘗親行我

太宗文皇帝肇建

太廟於

盛京崇德改元四月丙戌大饗後八年之中親饗二
恢恢乎大一統之規模也

世祖章皇帝定鼎

京師立

太廟御宇十八年時享親行二十八方順治十六年始行
祫祭而親祫二

聖祖仁皇帝御宇六十一年時享親行八十二祫祭親行
三十二

世宗憲皇帝御宇十三年時享親行三十祫祭親行十一
皇帝御極乾隆元年至五十年時享親行六十六祫祭
親行四十九是皆正祭而凡因事親告者不在此
數於戲至仁至孝至誠至敬之心永傳為

家法仰溯成周而後廟禮未有若斯之盛者也至若典制
之隆儀文之備雖以時遞增而要皆推本於

太宗文皇帝始定之規詳考其時自大饗親饗而外凡遇
聖節忌辰元旦清明中元除夕皆以時遣官祇祭其禮已

為大備

世祖章皇帝撫有天下追尊

四祖皇帝歲七享

太廟孟春

吉

清明四月七月十月之朔除夕

萬壽節則猶

太宗時制也至十三年建

奉先殿而日獻食月薦新朔望時節

聖誕忌辰元旦冬至

萬壽節及諸慶典俱行於

奉先殿至十六年始禘而除夕之享乃即大禘矣

聖祖仁皇帝

世宗憲皇帝繼統以來迄今每歲四孟享

太廟與除夕前一日禘祭而五則固皆崇德所行之精意

以遞酌而歸於至中昭其大文焉逮

世宗憲皇帝即

壽皇殿虔供

聖祖仁皇帝聖容

孝思純篤以時瞻拜於是有

神御之奉

皇上深推

世宗憲皇帝聖孝之心重建

壽皇殿以並奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝聖容暨

列后聖容又先即

圓明園崇建

安佑宮奉

聖祖仁皇帝聖容而敬以

世宗憲皇帝聖容配於是

宮中

苑中

神御之奉乃上推而胥愜乎情與禮之極則丕哉

聖孝繼述佑啟於萬年者也且復即

避暑山莊

聖祖仁皇帝歲臨之

御苑建

永佑寺以虔奉

聖祖仁皇帝聖容仍敬以

世宗憲皇帝聖容配則所為齋焉而思其居處思其志意
樂嗜禮得其所必備而情得其所必伸蓋皆由夫
饗

廟親行至仁至孝至誠至敬之一心推之以無乎不達者
矣茲恭依

列朝實錄

皇上乾隆元年至五十年

起居注冊叅稽

大清會典暨各檔案其儀節謹鈔

大清通禮成宗廟考十二卷以昭萬年之鉅典云

太廟

天聰十年四月乙酉

太宗文皇帝受尊號建國大清改元崇德於

盛京建立

太廟

撫近門東

前殿五室後房六間

後殿三室南大門三間東西角門三間周圍廣三十五丈袤四十丈

崇德元年四月丙戌奉安

列祖

太祖神位於

太廟追尊

列祖王號恭上

覆育列國英明皇帝

尊諡曰

承天廣運聖德神功肇紀立極仁孝武皇帝

廟號

太祖

皇太后

尊諡曰

孝慈昭憲純德貞順成天育聖武皇后先是天聰十年四

月初八日壬午羣臣請上

尊號於是祇告

天

地

太宗文皇帝率諸貝勒大臣齋戒三日以十一日乙酉受
寬溫仁聖皇帝尊號建國號曰大清改元為崇德元年大

祀

天

地禮成是日遣超品公額駙揚古利固山額真譚泰宗室
拜尹圖葉克書葉臣阿山伊爾登宗室篇古達爾
哈石廷柱馬光遠及外藩貝勒下官員卜庫台吉
得類扎爾固齊孟庫孫杭哈爾阿爾珠海泥堪內
院官希福剛林羅碩等捧祝文以肇建

太廟祇告

太祖山陵文曰孝子嗣皇帝

文皇帝

太宗廟諱

敢昭告於

皇考神位前曰臣敬遵典禮表揚

皇考

皇妣功德肇建

太廟謹擇吉於四月十二日安設

神位以昭上祀之禮又仰體

皇考孝心稽諸禘嘗鉅典追尊

始祖

高祖

曾祖

祖以下王號安設四代

祖考

祖妣神位又設

伯祖禮敦巴圖魯配位伏祈

皇考神靈鑒茲誠悃又設功臣費英東額亦都配位從祀

皇考左右惟望

皇考垂慈來格來歆丙戌

上率諸貝勒大臣詣

太廟追尊

始祖為

澤王

高祖為

慶王

曾祖為

昌王

祖為

福王追封

伯祖禮敦巴圖魯為武功郡王恭上

皇考太祖

尊謚曰

承天廣運聖德神功肇紀立極仁孝武皇帝

皇妣太后

尊謚曰

孝慈昭憲純德貞順成天育聖武皇后

廟號

太祖追封功臣費英東為直義公額亦都為弘毅公

前殿安奉

太祖

太后神位

後殿正中安奉

始祖

始祖妣神位左安奉

高祖

高祖妣神位右安奉

曾祖

曾祖妣神位次左安奉

祖

祖妣神位皆南面右末安奉

伯祖禮敦巴圖魯神位東向是日各

神位前陳設黑色太牢少牢一切祭物畢辰刻

太宗文皇帝出內治門將至

太廟門西下馬御金椅有頃導引官引

上先詣

後殿至東側西向立贊禮官贊就位

上北向

殿正中立諸貝勒大臣左右序立贊禮官贊上香引

上升東階至

始祖神位香案前跪復起立導引官跪奉香

上自

始祖暨

列祖神位前各三上香畢降自西階復位北向立贊禮官

贊跪叩行三跪九叩頭禮贊禮官復贊跪

上率衆跪東側捧帛官跪奉獻

始祖

始祖妣帛二端

上受帛獻授西側捧帛官捧帛官跪受置案上遂獻

高祖

曾祖

祖及

伯祖神位前帛以次各二端如儀畢

列祖

列妣前先令大臣獻酒各一爵東側捧爵官跪奉酒

上舉爵獻授西側捧爵官捧爵官跪受置案上

列祖

列妣神位前各獻爵一畢讀祝官以次跪讀祝祭

始祖文曰維丙子歲四月十二日八世孫嗣皇帝廟諱敢
昭告於

始祖神位前曰洪惟

始祖肇造鴻基克恢大業振豐功而克敵開歷服以詒謀
爰致國勢昌隆子孫榮盛茲謹倣古制追揚

前烈尊為

澤王立廟奉祀丕顯令名貽庥萬世惟望

祖靈降鑒俯垂默佑國祚永昌祭

高祖文曰五世孫嗣皇帝廟諱敢昭告於

高祖神位前曰洪惟

高祖肇基王迹垂裕後昆撫衆宏以成都集旅庥而啟聖

爰致國勢昌隆子孫榮盛茲謹倣古制追揚

前烈尊為

慶王立廟奉祀丕顯令名貽庥萬世惟望

祖靈降鑒俯垂默佑國祚永昌祭

曾祖文曰四世孫嗣皇帝廟諱敢昭告於

曾祖神位前曰洪惟

曾祖丕啓鴻模式弘疆宇征四鄰而讐服綏兆庶以救寧
爰致國勢昌隆子孫榮盛茲謹倣古制追揚

祖功尊為

昌王立廟奉祀丕顯令名貽庥萬世惟望

祖靈降鑒俯垂默佑國祚永昌祭

祖考文曰孝孫嗣皇帝廟諱敢昭告於

祖考神位前曰洪惟

祖考纘承懿緒佑啓宏圖綿福祚於萬年誕神靈而首出
爰致國勢昌隆子孫榮盛茲謹倣古制追揚

祖功尊為

福王立廟奉祀丕顯令名貽庥萬世惟望

祖靈降鑒默賜啓迪國祚永昌祭

伯祖武功郡王文曰皇帝廟諱敢昭告於

伯祖神位前曰惟我

伯祖竭誠為國懋著崇勲茲酌倣古制用昭往烈追封
為武功郡王配享

廟廷永彰令譽讀祝畢奉祝文置案上贊禮官贊跪叩行
三跪九叩頭禮讀祝官捧祝執爵官捧爵執帛官
捧帛從中階下至西側燔燎所焚之徹饌乃詣

前殿導引官引

上至西側東向立復引由西側升至東側西向立贊禮官

贊就位

上正中北向立贊禮官贊上香導引官引

上升東階至

太祖

太后神位香案前跪導引官跪奉香

上三上香畢降自西階復位北向立贊禮官贊跪叩

上率衆行三跪九叩頭禮贊禮官復贊跪

上跪衆皆跪東側捧帛官跪奉帛二端

上受帛獻授西側捧帛官捧帛官跪受自中階升至

太祖

太后神位前跪置案上東側捧爵官以次跪奉酒六爵

上舉爵以次獻以次授西側捧爵官捧爵官跪受自中階

升捧置

神位前贊禮官贊跪叩

上率衆行三跪九叩頭禮贊禮官贊跪

上率衆跪讀祝官捧祝文跪讀於

太祖

太后神位前文曰維丙子歲四月十二日孝子嗣皇帝廟

諱敢昭告於

皇考

皇妣神位前曰臣纘承

皇考大業十年以來兢兢業業夙夜乾惕以圖仰副

先志是以開拓封疆不辭况瘁撫綏兆庶殫力經營茲以

安內攘外收服朝鮮統一蒙古兼獲玉璽符瑞昭應

內外諸貝勒大臣僉議宜承

天應運勸臣宜進稱尊號爰建國號曰大清改元為崇德
元年此皆仰賴

皇考

皇妣之福蔭也臣緬懷

皇考

皇妣德備生成功隆覆育應真符而開創輯羣瑞以尊親
爰遵古制仰協

天心敬上

皇考

尊謚曰

承天廣運聖德神功肇紀立極仁孝武皇帝

皇妣

尊謚曰

孝慈昭憲純德貞順成天育聖武皇后立廟祭享垂麻萬

禩伏祈

皇考

皇妣神靈降鑒俯垂默佑俾子孫綿遠國祚永昌謹

告讀祝畢又以追封費英東額亦都告祭

太祖神位前曰孝子嗣皇帝廟諱敢昭告於

皇考神位前曰臣聞恩隆眷舊典重酬庸既昭嘉績於生前宜享恩榮於身後茲以費英東額亦都上佐

皇考勲猷丕著爰倣古制追封費英東為直義公額亦都為弘毅公配享

皇考神位左右揚厥令名垂之奕代讀畢贊禮官贊跪叩
上率諸貝勒行三跪九叩頭禮贊禮官贊復位

上復位東側西向立諸貝勒大臣左右序立於是以功臣
費英東額亦都木牌入

太廟費英東位左側額亦都位右側陳設祭物畢讀祝官
入內旁立先宣追贈費英東文曰

維大清崇德元年歲次丙子四月十有二日

寬溫仁聖皇帝諭祭功臣費英東之靈曰偉烈懋昭贊經

綸於肇迹榮封特晉光俎豆於千秋爾費英東佐我
皇考正直報効竭盡忠義雖受寵渥於生前尤宜褒榮於
身後今特贈爾為直義公配享

太廟永垂令譽次宣追贈額亦都文曰

寬溫仁聖皇帝諭祭功臣額亦都之靈曰偉烈懋昭贊經
綸於肇迹榮封特晉光俎豆於千秋爾額亦都佐我
皇考勇力軼羣殊勲丕著雖受寵渥於生前尤宜褒榮於
身後今特贈爾為弘毅公配享

太廟永垂令譽讀畢捧帛捧爵官各捧帛爵讀祝官捧祝文自中階下西行至西側燔燎所焚祝帛奠酒徹

太祖

太后神位前祭物徹畢徹直義公弘毅公祭物自側下階至燔燎所旁焚祝帛奠酒贊禮官贊復就位

上復正中北向立衆復就班贊禮官贊跪叩行一跪三叩頭禮禮成

上坐於

太廟西側樹鵠令善射者較射射畢陳設儀仗作樂還

宮

臣等謹按先是天聰六年二月丁丑

太宗文皇帝率諸貝勒大臣詣

太祖高皇帝陵行時享禮八年十二月庚戌以除夕率諸

貝勒大臣

親詣

太祖陵寢致祭十年三月丙午朔以清明節

親祭

太祖山陵蓋我

國家當未崇建

宗廟之先我

太祖高皇帝山陵卜吉在天聰三年春二月營建工成自

是以後每

親舉時享除夕之祭於

陵寢已灼然立萬世

廟禮云

五月癸丑薦櫻桃於

太廟時有以新櫻桃獻者

太宗文皇帝命薦於

太廟仍

命嗣後凡新進果品五穀先薦

太廟然後進御著為令

七月辛巳中元節

親享

太廟

十二月癸亥遣官祭

太廟時先期齋戒三日

三年正月乙丑朔遣官祭

太廟每祭

太廟必並祭

福陵自後元旦之祭四年己未朔五年癸丑朔六年丁丑

朔七年辛未朔皆遣官祭

七月丙子中元節

親享

太廟時先期齋戒三日

十月戊申

萬壽節遣官祭

太廟自後五年十月壬申七年十月壬戌恭遇

聖節皆遣官祭八年二月癸未清明節亦遣官祭

八月庚申以

太祖武皇帝忌辰遣官祭

太廟

十二月乙亥除夕遣官祭

太廟時先期齋戒三日自後六年十二月己巳歲暮七年

十二月甲午歲暮皆遣官祭

八年七月丙午中元節遣官祭

太廟並告征明山東之捷

臣等謹按崇德元年五月癸丑薦櫻桃後凡

親詣與遣官依通考例當載入祭祀時享然此固

盛京

廟禮也敬即制度儀注之次編於首卷用昭我

烈祖開創皇圖後之所以大一統而垂萬年禮意之精胥

肇乎是焉

順治元年十二月庚午遣官恭齋

太祖武皇帝

孝慈武皇后香

冊香

寶於

福陵

太宗文皇帝香

冊香

寶於

昭陵是日固山額真以上內大臣侍衛等俱朝服

集

武英殿大學士禮部尚書由內院奉

冊寶出置黃案上

上御殿閱

冊寶行一跪三叩禮畢遣官恭齎至

盛京尊藏

二年二月丁巳定遣官祭

四祖廟儀

臣等謹按順治元年定鼎

京師建立

太廟始以

盛京

太廟崇稱為

四祖廟至是禮部言凡遇清明等節應令駐防

盛京總管分率城守章京往祭

福陵

昭陵東京興京

祖陵令城守官奠祭

盛京

四祖廟令守廟總管官上香燭獻酒果不讀祝從之

乾隆四十三年

命重葺

盛京

太廟

臣等謹按

盛京

太廟自順治元年崇稱為

四祖廟五年更名曰

景佑宮至是

命重修葺仍尊稱為

太廟

四十八年九月乙巳

上詣

盛京謁

陵恭奉

五朝

冊

寶尊藏

太廟

親詣行禮先是四十七年十月朔

上恭奉重鐫

列祖

列后

冊

寶安奉

京師

太廟其舊藏

冊

寶先期

命怡親王永琅恭賁

盛京至是

上致祭

昭陵畢

親詣尊藏行禮

皇朝文獻通考卷一百七

欽定四庫全書

史部

皇朝文獻通考卷一百九

府丞_臣龔驂文覆勘

總校官中書_臣孫溶

欽定四庫全書

皇朝文獻通考卷一百八

宗廟考二

太廟

順治元年九月

世祖章皇帝定鼎燕京立

太廟

端門左南嚮朱門丹壁覆以黃琉璃衛以崇垣大門

三左右門各一戟門五間崇臺石闌中三門前後
均三出陞中九級左右各七級門內外列戟百有
二十左右門各三間均一出陞各七級

前殿十有一間重檐脊四下沉香柱正中三間飾金梁
棟階三成繚以石闌正南及左右凡五出陞一成
四級二成五級三成中十有二級左右九級
中殿九間同堂異室內奉

列帝

列后神龕均南嚮後界朱垣中三門左右各一門內為

後殿制如

中殿奉

祧廟神龕均南嚮

前殿兩廡各十有五間東為配饗諸王位西為配饗功

臣位東廡前西廡南燎爐各一

中殿

後殿兩廡各五間藏祭器

後殿東廡南燎爐一戟門外東西井亭各一前跨石橋
五翼以扶欄橋南東為

神庫西為

神厨各五間廟門東南為宰牲亭井亭廟垣周二百
九十一丈六尺西南

太廟衙門五間西北

太廟右門三間均西嚮

九月壬子恭奉

太祖承天廣運聖德神功肇紀立極仁孝武皇帝神主
孝慈昭憲純德貞順成天育聖武皇后神主

大行皇帝神主奉安

太廟是日遣固山額真宗室拜尹圖代祭禮部尚書覺羅

郎球奉

太祖武皇帝神主甲喇章京胡世布奉

孝慈武皇后神主吏部尚書宗室鞏阿岱奉

大行皇帝神主禮部侍郎藍拜理事官哈爾松噶捧二功

臣牌位及太常寺官於內院齊集學士額色黑捧祝版至

謹身殿授太常寺卿郎球等奉

神主及功臣牌位依次而行太常寺官六員前導每階一揖代祭官拜尹圖隨行至

太廟門外由東中門入奉

神主進

前殿跪奉

太祖武皇帝神主

孝慈武皇后神主安正案南向

大行皇帝神主安東側案西向畢一叩頭興導引官引出
立階上代祭官之後藍拜等捧二功臣牌位進西
廡殿內跪安直義公費英東牌位於左弘毅公額
亦都牌位於右東向畢一叩頭興出立於階下贊
禮官贊行四跪四叩頭禮畢贊引官贊行初獻禮
太常寺官三員各捧一爵詣案前跪獻畢鞠躬退

一跪一叩頭興各復位贊讀祝額色黑入殿內跪
捧祝文讀畢跪捧祝版置於

太祖神位前一叩頭退代祭官及捧主官行讀祝禮贊禮
官贊行一跪一叩頭禮畢贊行亞獻禮太常寺官
獻爵如初獻禮畢贊行終獻禮太常寺官獻爵亦
如初獻禮畢各退二功臣位前亦各三獻爵畢贊
禮官贊行四跪四叩頭禮階下各官亦照行禮畢
贊焚祝額色黑捧祝詣焚祝所各官東向鞠躬階

下各官亦鞠躬焚祝畢各官北向揖階下各官亦
揖代祭官立階西側捧功臣牌位各官立階下西
側導引官引奉

太祖武皇帝

孝慈武皇后

大行皇帝神主官詣

神位前行一跪一叩頭禮興各奉

神主由殿內後門進至

後殿跪安於

神位上退出殿門外行一叩頭禮興導引官引至功臣廡

前候代祭官齊出

十月辛酉恭上

大行寬溫仁聖皇帝

尊諡曰

應天興國弘德彰武寬溫仁聖睿孝文皇帝

廟號

太宗前一日遣官祭告

天

地

社

稷是日遣固山額真譚泰等祭告

太廟遣固山額真宗室拜尹圖祭告

大行皇帝

凡上
諡皆前祭告

尊

二年七月甲子恭進

太祖武皇帝

孝慈武皇后

太宗文皇帝玉

冊玉

寶奉安

太廟先期太常寺官設案於

太廟神位前是日禮部鴻臚寺官設案於

武英殿內院官奉

冊居左

寶居右并祝文置各案上設綵亭於殿門外陪祭官
太廟門外序立不陪祭官

午門外序立

上出武英殿恭閱

冊

寶祝文行一跪三拜禮畢西向立內院官奉

冊

寶授捧

冊捧

寶官安綵亭內恭送入

太廟

午門外官

太廟門外官跪迎由

太廟中門進至

前殿奉安畢禮部尚書覺羅郎球大學士剛林學士伊

圖進

後殿一跪三叩興郎球

太祖武皇帝神主伊圖奉

孝慈武皇后神主剛林奉

太宗文皇帝神主出安於

前殿一跪三叩興贊引官引代祭官由右門進各官皆

進序立典儀官贊樂舞生就位執事官各司其事

贊禮官贊就位代祭官就位協律郎贊奏開平樂

行迎神禮鳴贊官贊代祭官同各官行三跪九叩
禮畢典儀官贊進

冊贊引官引代祭官至香案前鳴贊官贊跪贊進

冊蔣赫德劉清泰恩格德跪從案上捧

冊以次進於代祭官代祭官受獻訖授內院大學士剛林

祁克格學士伊圖跪接置於各案贊宣

冊剛林祁克格伊圖各跪

冊案前宣畢三叩贊進

寶蔣赫德劉清泰恩格德跪從案上捧

寶以次進於代祭官代祭官受獻訖授剛林祁充格伊圖
跪接置於各案贊宣

寶剛林祁充格伊圖各跪

寶案前宣畢三叩贊禮官贊叩頭代祭官三叩贊復位代
祭官復位贊行禮代祭官同各官行三跪九叩禮
畢典儀官贊行初獻禮

太祖神位前甲喇章京陳泰獻帛侍衛噶布喇穆成格獻

酒

太宗神位前侍衛巴泰獻帛侍衛穆理瑪獻酒協律郎贊
奏壽平樂獻畢樂暫止贊禮官贊跪代祭官跪各
官皆跪鳴贊官贊宣祝宣祝官一跪三叩捧祝文
跪宣文曰

維順治二年歲次乙酉七月庚戌朔越十五日甲子孝

孫嗣皇帝

世祖
章皇帝廟諱

遣英俄爾岱代告於

太祖承天廣運聖德神功肇紀立極仁孝武皇帝

孝慈昭憲純德貞順成天育聖武皇后神位前曰前者宣
揚功德已加

尊諡今恪遵典制造成玉

冊玉

寶敬獻

几筵尚

饗

太宗文皇帝前祝文同宣畢贊禮官贊叩頭代祭官三叩

宣祝官捧祝文跪進於

神主案三叩典儀官贊行亞獻禮獻酒如前儀協律郎贊
奏嘉平樂獻畢樂止典儀官贊行終獻禮獻酒復
如前儀協律郎贊奏雍平樂獻畢樂止典儀官贊
撤饌協律郎贊奏熙平樂撤畢樂止協律郎贊奏
成平樂行送神禮鳴贊官贊代祭官及各官行三
跪九叩頭禮禮畢樂止典儀官贊捧祝捧帛詣燎
所樂奏捧祝捧帛官一跪三叩捧祝帛送燎所代

祭官退立拜位東西向既過復拜位鳴贊官贊禮
畢代祭官與各官出

太祖武皇帝冊文曰雲雷初動經綸開草昧之天日月在
躬光耀先照臨之域既靈承於後嗣宜丕著夫前猷洪
惟我

太祖承天廣運聖德神功肇紀立極仁孝武皇帝博厚高
明聖神文武始則龍潛渤海藏九天九地之規繼而虎
步金源恢百戰百克之勢三靈協助援鐘鼓而對天休

萬帳來王傾醍醐而飲帝德於是舊邦式廓天街望紫
氣之祥新命誕敷黑水正真人之位豐年恒慶多黍多
稌國士彙征如羆如虎披草萊而立

祖廟始薦馨香掃荆棘而朝羣臣豈惟綿蕞用能使耿光
大烈丕顯丕承厚俗淳風可久可大協昌期於嗣聖衍
駿業而重光茲者神臯是宅庇及眇躬盛德載揚念予
烈祖乃鵠

徽號永壽天球於戲寶玉函文寫貽謀之弘遠金縢啟幄

知創業之艱難惟

神在天歆茲無數謹言

寶文曰

太祖承天廣運聖德神功肇紀立極仁孝武皇帝之寶

孝慈武皇后冊文曰壺教協黃裳應地兆安貞之吉徽音

昭彤管覩天開長發之祥既慶靈源宜揚惠問欽惟

皇祖妣孝慈昭憲純德貞順成天育聖武皇后性成仁孝

心秉塞淵肅雍在宮堯母儷元妃之德祇承於

帝邑姜參十亂之功華星朗耀於軒轅內則勤供於種桂
求賢卷耳載襄櫛風沐雨之思致孝蘋蘩不忘昧旦雞
鳴之節是以流虹繞電篤生

聖人誕凱育元門多才子用能贊助鴻圖造有東夏昭宣
鳳德遠被南邦維眇躬之追孝前人實

聖善之宜孚中土聿新清廟爰述瑤函於戲玄鳥呈祥授
昌期於百世闕宮啟頌洽嬪則於萬年翼我皇風昭哉
嗣服謹言

寶文曰

孝慈昭憲純德貞順成天育聖武皇后之寶

太宗文皇帝冊文曰三才定位首出咸推聖人萬國來同
配天實惟元后莫不令聞奕世昭明顯融洪惟

皇考寬溫仁聖皇帝道合乾坤功參化育綏文謨而揚武
烈海域賓王弘義問以濟仁心華風載穆聲靈足以震
九有尚謙讓而未遑勲業可以表百王猶開誠而盡下
闕雕麟趾之意偕黃鉞而並揮巖築射鈎之賢望彤墀

而交罄是以白狼槃木接踵來歌紫塞雞田開闢望幸克享

天眷爰集鴻圖暨予眇躬誕膺丕緒惟見休於士女卜宅神臯覽陳錫於几楹推原

盛德集羣工之篤論合四海之歡心表號稱天垂統作極上

尊諡曰

應天興國弘德彰武寬溫仁聖睿孝文皇帝

廟號

太宗於戲七廟觀德時欽右序之文明堂肇裡世述維清
之典敬鑄寶冊用藉鴻休謹言

寶文曰

太宗應天興國弘德彰武寬溫仁聖睿孝文皇帝之寶

臣等謹按恭進

太祖武皇帝

冊十頁白玉修八寸八分廣三寸九分厚四分鑄字深二

鑿面底二頁鐫升降龍

寶白玉方四寸二分厚一寸五分紐高二寸七分修四寸

二分廣三寸五分

孝慈武皇后

冊十頁白玉修廣厚同鐫字深與底面二頁升降龍同

寶白玉方同厚一寸七分紐高二寸三分修同廣三寸三

分

太宗文皇帝

冊十頁白玉修廣厚同鐫字深與面底二頁升降龍同

寶白玉方同厚一寸六分紐高二寸八分修四寸五分廣

三寸四分

五年四月癸酉以重修

太廟遣官祇告恭奉

神牌暫安

後殿

六月癸亥以

太廟工成遣官祇告奉安

神位於

正殿

十一月戊辰冬至追尊

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后恭奉

神主奉安

太廟是日

世祖章皇帝親詣

後殿奉安

神位致祭如時享儀祝文曰

維順治五年歲次戊子十一月辛酉朔越八日戊辰孝
孫嗣皇帝廟諱敢昭告曰受命一統之模道隆尊

祖推

祖自出之本義重格

天惟世德以作求當肇稱而上祀恭惟

太祖以上四世

始祖

曾祖

祖

考鍾祥毓瑞長發純禧創業貽謀久膺篤祐謹尊

始祖澤王為

肇祖原皇帝

始祖妣為

原皇后

曾祖慶王為

興祖直皇帝

曾祖妣為

直皇后

祖昌王為

景祖翼皇帝

祖妣為

翼皇后

考福王為

顯祖宣皇帝

妣為

宣皇后伏惟

神聖鑒此孝思謹

告恭進

肇祖原皇帝冊文曰維順治五年歲次戊子十一月辛酉
朔越八日戊辰孝孫嗣皇帝廟諱稽首頓首上言於
皇祖澤王今天下一統大業已成皆由

皇祖篤祐所致爰修典禮用殫孝思敬薦

冊

寶尊上

諡號曰

肇祖原皇帝以垂功德於萬禩謹

告

興祖直皇帝

景祖翼皇帝

顯祖宣皇帝冊文同

原皇后冊文曰維順治五年歲次戊子十一月辛酉朔越八日戊辰孝孫嗣皇帝廟諱稽首頓首上言於

皇祖妣今天下一統大業已成皆由

祖妣贊勲

肇祖原皇帝行善篤祐之所致也爰修典禮用殫孝思敬薦

冊

寶尊上

諡號曰

原皇后以垂懿德於萬禩謹

告

直皇后

翼皇后

宣皇后冊文同

寶文曰

肇祖原皇帝之寶

原皇后之寶

興祖直皇帝之寶

直皇后之寶

景祖翼皇帝之寶

翼皇后之寶

顯祖宣皇帝之寶

宣皇后之寶

七年二月丁亥恭奉

冊

寶上

大行皇太后

尊諡曰

孝端正敬仁懿莊敏輔天協聖文皇后恭進

冊文曰孝子嗣皇帝廟諱稽首頓首上言壺闈著

聖善之儀凝禧未艾典禮重歲懿之報脩物宜隆聿示來

茲用光前美惟

皇妣大行皇后安貞應地敬順承天佐

先皇致治之功啟冲子續承之業方竭誠於奉養忽抱痛
於升遐爰考舊章博咨公議用申哀慕式表尊崇謹奉

冊

寶上

尊諡曰

孝端正敬仁懿莊敏輔天協聖文皇后薦顯號於

几筵垂休有永昭鴻名於簡冊錫祐無疆謹

告

實文曰

孝端正敬仁懿莊敏輔天協聖文皇后之寶

八年正月丁卯恭奉

孝端正敬仁懿莊敏輔天協聖文皇后神主升附

太廟前一日遣官祇告

太廟是日

世祖章皇帝親詣行禮先奉

神主祇見

太祖武皇帝

孝慈武皇后

太宗文皇帝

世祖章皇帝恭代行三跪九拜禮興恭奉

神主奉安於

太宗文皇帝神位之次行一跪三拜禮畢行大饗禮如儀

凡升祔皆

前祇告

九年二月己未恭進

四祖考皇帝

四祖妣皇后

孝端文皇后玉

冊玉

寶奉安

太廟

臣等謹按恭進

肇祖原皇帝

冊十頁青玉修八寸八分廣四寸厚四分鑄字深二釐面
底二頁鑄升降龍

寶白玉方四寸二分厚二寸紐高二寸六分修四寸廣三
寸

原皇后

冊十頁青玉修八寸九分廣厚同鑄字深同面底同

寶青玉方厚同紐高二寸八分修同廣三寸三分

興祖直皇帝

冊十頁白玉修九寸廣厚同鑄字深同面底同

寶白玉方厚同紐高二寸七分修同廣三寸四分

直皇后

冊十頁青白玉修廣厚同鑄字深同面底同

寶青玉方厚同紐高同修同廣三寸二分

景祖翼皇帝

冊十頁白玉修同廣三寸九分厚同鐫字深同面底同
寶青玉方厚同紐高同修同廣三寸三分

翼皇后

冊十頁青玉修同廣三寸九分厚同鐫字深同面底同
寶青玉方厚同紐高同修同廣三寸二分

顯祖宣皇帝

冊十頁白玉修同廣三寸九分厚同鐫字深同面底同
寶白玉方厚同紐高同修同廣三寸三分

宣皇后

冊十頁青玉修同廣三寸九分厚同鐫字深同面底同
寶青玉方厚同紐高同修同廣三寸三分

孝端文皇后

冊十頁青玉修八寸九分廣厚同鐫字深二釐面底二頁
鐫升降龍

寶青玉方同厚一寸七分紐高二寸五分修四寸二分廣
三寸五分

十年定

太廟懸慶成燈每歲元宵自正月初七日起至十七日止

令工部豫期辦造街門中門一對左右門各一甌
城中門一對左右門各一戟門中門一對左右門
各一

前殿中門一對左右門各一

中殿中門一對左右門各一

後殿中門一對左右門各一東廡西廡各一

十三年十二月戊戌

命

太廟匾額停書蒙古字止書滿漢字

十八年正月己未

聖祖仁皇帝即位三月癸酉恭奉

冊

寶上

大行皇帝

尊諡曰

體天隆運英睿欽文大德弘功至仁純孝章皇帝

廟號

世祖先是正月己未

聖祖仁皇帝諭禮部朕惟自古聖賢之君必有顯號徽稱
用昭功德之隆垂於萬世此國家不易之鉅典也仰惟
我

皇考大行皇帝續紹鴻緒統一寰區十有八年敬

天尊

祖勤政愛民奉侍

慈闈克諧孝道敷宗睦族攸叙彝倫典學日新修身思永
制禮作樂振武崇文勅法明刑立綱陳紀盛德之事不
一而足朕方與天下臣民均切怙戴不幸

龍馭上賓顧予冲人嗣膺大統仰承啟佑之恩敢後顯揚
之禮謹考彝章宜升

尊諡爾部詳察具奏戊寅和碩安親王岳樂等議奏上自

古有天下者祖有功而宗有德故凡勲高大定功
垂奕葉者類皆稱祖以尊之其廟祀百世弗祧此
世祖所由稱也又按諡法法度大明敬慎高明日
章洪惟

大行皇帝神武止戈崇文勸學恩澤覃敷於庶物孝治立
極於人倫德固懋昭功尤隆著是以化行教洽遠
至邇安生民以來莫斯為盛臣等謹咨羣議載考
彛章

大行皇帝尊諡宜

天賜之曰

體天隆運英睿欽文大德弘功至仁純孝章皇帝

廟號

世祖得

旨是下所司擬撰冊文進

覽是日恭奉

冊

寶上

尊諡恭進

冊文曰承先啟後恢大業於無疆揚烈觀光薦徽稱於有
永載考顯名之典用攄報本之忱允合輿情肇修殷禮
洪惟

皇考大行皇帝聖神天縱睿哲性成帝命溥將紹萬年之
寶籙先猷式廓大一統之鴻圖敷政而陳紀立綱弘備
燕貽之遠畧典學而朝乾夕惕直符精一之真傳敬

天昭事以寅恭倍肅明裡之舉尊

祖單心於繼述特虔

聖訓之修孝治丕崇極

慈宮之隆養彝倫攸叙睦宗族以深仁慎庶獄而勅祥刑
軫民依而施大賚恩膏溥洽躋海甸於雍熙聲教遐宣
合殊方而王享乃聖不自聖億萬民之疾苦時切其咨
而勤以益勤十八載之憂勞日新靡倦盛美莫勝夫揚
屹聲名洵冠乎古今簡冊流徽賁光華於日月雲初蒙

澤同高厚於乾坤屬祔

廟以升中敬揚休而昭德爰咨有衆請命於

天謹奉

冊

寶上

尊諡曰

體天隆運英睿欽文大德弘功至仁純孝章皇帝

廟號

世祖伏惟

聖靈赫鑒景制茂膺益篤垂裕之休永衍熾昌之祚謹

告

寶文曰

世祖體天隆運英睿欽文大德弘功至仁純孝章皇帝之
寶

十月戊申新建

太廟神厨門成

十一月己亥恭奉

世祖體天隆運英睿欽文大德弘功至仁純孝章皇帝神

主升祔

太廟先是四月丙申

聖祖仁皇帝命大學士進

觀德殿恭捧入

太廟神位至

壽皇殿門外黃幄內滿漢大學士各一員於神字空點處

填青又於

觀德殿內恭捧入

奉先殿神位隨入

太廟神位輿後由景山東門出至景運門

聖祖仁皇帝素服奉迎隨輿後行至

乾清宮先捧入

太廟神位安設黃案上次捧入

奉先殿神位安設入

太廟神位之右行安

神位禮埃欽天監擇吉捧入

太廟

奉先殿是日

聖祖仁皇帝素服詣

乾清宮

世祖章皇帝神主前行禮奉請

神主安黃輿內易祭服陞輦後隨進

太廟恭捧

世祖章皇帝神主祇見

太祖武皇帝

孝慈武皇后

太宗文皇帝

孝端文皇后

聖祖仁皇帝恭代行三跪九拜禮興恭奉

神主奉安於

太祖武皇帝神位之西旁東向行一跪三拜禮畢行大饗

禮

後殿遣官行禮均如時享儀是年恭進

世祖章皇帝玉

冊玉

寶奉安

太廟

臣等謹按恭進

世祖章皇帝

冊十頁白玉脩八寸八分廣四寸厚四分鐫字深二釐面

底二頁鐫升降龍

寶白玉三寸九分厚一寸二分紐高二寸五分方三寸九

分

康熙元年四月丙辰恭改上

太祖承天廣運聖德神功肇紀立極仁孝武皇帝

尊諡曰

太祖承天廣運聖德神功肇紀立極仁孝睿武弘文定業
高皇帝

孝慈昭憲純德貞順成天育聖武皇后

尊諡曰

孝慈昭憲敬順慶顯承天輔聖高皇后恭加上

太宗應天興國弘德彰武寬溫仁聖睿孝文皇帝

尊諡曰

太宗應天興國弘德彰武寬溫仁聖睿孝隆道顯功文皇

帝奉安

神位於

太廟先是順治十八年六月丁酉

聖祖仁皇帝諭禮部我國家誕膺

天命撫御寰區實由

太祖皇帝神功聖德肇造丕基

太宗皇帝偉烈顯謨恢弘大業暨

世祖章皇帝克紹鴻緒奄有多方朕以眇躬纘承大統追

思

祖宗貽謀燕翼啟祐無疆欲抒孝悃仰報

隆庥稽考古制宜進

尊稱以昭功德於奕世茲擬加上

太祖皇帝尊諡為二十字加上

太宗皇帝尊諡為十八字庶展朕追崇孝思應行典禮爾
部即詳察開列具奏其舉行之期或在

世祖章皇帝

祔享之前或在

祔享之後著一併察例具奉辛酉禮部議覆加上

太祖皇帝

太宗皇帝尊諡典禮重大似應在

世祖章皇帝神主

祔享之後再為舉行得

旨是至是祇告致祭行禮如儀

二年五月甲午恭上

大行慈和皇太后

尊諡曰

孝康慈和莊懿恭惠崇天育聖皇后是日
聖祖仁皇帝御素服出

太和門閱

冊

寶禮部鑾儀衛堂官內務府官奉

冊

寶至

享殿安設恭進

冊文曰

慈恩罔極報莫殫夫追崇厚德難名號宜尊乎顯懿用表
無前之美以彰不匱之思中外咸孚典禮惟脩欽惟

皇妣大行慈和皇太后淑慎柔嘉溫恭慈惠飭躬靜好流
藹吉之徽音逮下雍和著肅雖之雅化內承

皇考匡贊惟勤上奉

重闈虔恭匪懈眇躬纘緒方期申尊養之忱鸞馭升遐遽
永結終天之慕仰惟

盛德宜薦鴻名載考舊章博咨公議謹奉

冊

寶上

尊諡曰

孝康慈和莊懿恭惠崇天育聖皇后伏惟

慈寧昭鑒彝典茂膺益弘佑啟之仁永衍邦家之慶謹

告

寶文曰

孝康慈和莊懿恭惠崇天育聖皇后之寶

九年五月丙辰朔恭奉

孝康慈和莊懿恭惠崇天育聖章皇后神主升附

太廟先是閏二月庚戌

聖祖仁皇帝諭禮部

慈和皇太后誕育朕躬未遂孝養思慕之忱每切于懷雖

已上

尊諡但今升附

太廟配食

皇考典禮關係重大其應進

諡號著議政王貝勒大臣九卿科道會同詳議具奏丁巳
議政王等議上

太祖高皇帝

皇后稱

高皇后

太宗文皇帝

皇后稱

文皇后令

慈和皇太后配祀

世祖章皇帝前上

孝康慈和莊懿恭惠崇天育聖尊諡亦宜加上

尊諡為

章皇后得

旨是是日

聖祖仁皇帝御禮服恭捧

孝康章皇后神牌行祇見

列聖

列后禮奉安於

世祖章皇帝神位之右行大饗禮與順治十八年同

十三年恭進

孝康章皇后玉

冊玉

寶奉安

太廟是日禮部工部捧設行禮

臣等謹按恭進

孝康章皇后

冊十頁青玉修八寸九分廣四寸厚三分鐫字深二釐面

底二頁鐫升降龍

寶白玉方四寸一分厚一寸二分紐高三寸方三寸九分

二十七年十月乙卯恭奉

冊

寶上

大行太皇太后

尊諡曰

孝莊仁宣誠憲恭懿翊天啟聖文皇后先是正月辛巳

聖祖仁皇帝諭禮部

大行太皇太后聖德母儀昭示萬國昔奉我

皇祖太宗文皇帝贊宣內政誕育我

皇考世祖章皇帝顧復劬勞受無疆休大一統業暨朕踐阼方在冲齡仰荷我

聖祖母訓誨恩勤以至成立晨昏依戀三十餘年方期淳享遐齡茂膺繁祉詎至適遭遼豫奄忽上賓朕哀疚之深五中摧絕昊天罔極報德實難緬維厚澤深仁信足炳傳簡冊非薦隆號莫展哀誠宜恪遵彝憲恭上

尊諡垂示無窮以慰朕尊親之意著內閣翰林院詹事府會同擬奏其應行典禮爾部詳察議奏於是諸臣恭擬尊諡二道進呈奉

旨應上

太皇太后尊諡曰

孝莊仁宣誠憲恭懿翊天啟聖文皇后又

諭

太皇太后升遐未久祭文內遽改稱

尊諡朕心深為不忍應俟

梓宮奉安

昌瑞山陵始稱

尊諡以祭時先恭奉

冊

寶於

暫安奉殿是日

聖祖仁皇帝親詣恭獻

冊

寶宣

冊宣

寶禮如儀

冊文曰坤順承天懿德肇興夫鴻業萃亨假廟隆稱永式
於明禋將崇升祔之儀宜備顯揚之典欽惟

皇祖妣大行太皇太后徽音集慶厚德凝符同瀉汭以鍾
靈並洽陽而著範歸我

太宗文皇帝當金匱來賓之日正琬戈啟土之年內治克
襄

帝圖式廓格精誠於

九廟化洽蘋蘩敷陰禮於六宮祥徵種稔篤生

世祖章皇帝永清四海本胎教之虔恭協正三辰奉

母儀之雍肅每紆

膚照睭青原鄩屋之艱實沛洪仁頒紅粟太倉之賜歡騰

扶杖惠溢歌衢爰逮眇躬益彰

慈訓東三十年之

聖善克致太平溥億兆姓之和恒常開景運懿筐載績勤
勞不替於重闈大練垂裳節儉每先於下土萬國共尊
親之戴兩朝備考養之隆壽考康寧福駢臻於箕範含
弘光大德莫罄於義圖方承愛日之歡遽邁升遐之痛
終天銜恤率土均哀深惟篤祐所由來永念發祥之有
自爰諮輿論請命於

天謹奉

冊

寶上

尊諡曰

孝莊仁宣誠憲恭懿翊天啟聖文皇后於戲同室展閔宮

之祀禮載升歌漢廷表長樂之儀史傳新注伏冀

慈靈可接陟降在茲必得其名垂休聲於琬琰克昌厥後
流餘慶於球圖彤管長新瑤函永煥謹

告

寶文曰

孝莊仁宣誠憲恭懿翊天啟聖文皇后之寶

辛酉恭奉

孝莊仁宣誠憲恭懿翊天啟聖文皇后神主升祔

太廟是日大臣二人恭奉

世祖章皇帝

孝康章皇后神主避立於旁

聖祖仁皇帝恭奉

神主奉安於拜位恭代行祇見

太祖高皇帝

孝慈高皇后

太宗文皇帝禮三跪九拜興恭奉

神主奉安於

孝端文皇后神位之次行一跪三拜禮興大臣二人恭請

世祖章皇帝

孝康章皇后神主奉安於拜位

聖祖仁皇帝恭代行祇見

孝莊文皇后禮三跪九拜興大臣二人奉安

世祖章皇帝

孝康章皇后神主於寶座一跪三叩退行大饗禮

二十三年恭進

孝莊文皇后玉

冊玉

寶奉安

太廟

臣等謹按恭進

孝莊文皇后

冊十頁青玉脩八寸九分廣四寸厚四分鐫字深二釐面
底二頁鐫升降龍

寶青玉方四寸四分厚一寸八分紐高二寸六分脩四寸
六分廣三寸五分

五十七年三月辛酉恭奉

冊

寶上

大行皇太后

尊諡曰

孝惠仁憲端懿純德順天翊聖章皇后先是五十六年十

二月己亥大學士馬齊嵩祝李光地蕭永藻王揆

奏查康熙二年恭上

慈和皇太后尊諡內閣會同翰林院擇二十四字分為兩

條具奏奉

旨尊為

孝康慈和莊懿恭惠崇天育聖今恭上

大行皇太后尊諡臣等會同翰林院依例敬擇具奏得
旨此奏甚屬錯誤爾等恭瞻

太廟

奉先殿二位

文皇后神主便知其誤矣庚子大學士等奏臣等遵

旨恭詣

太廟謹瞻

神位見

孝端

孝莊兩太皇太后並從

太宗文皇帝廟號俱有文字臣等愚昧僅照康熙二年初

上

慈和皇太后尊諡舊檔僅擬

尊諡字樣未照康熙九年奉

旨

慈和皇太后從

世祖章皇帝廟號升祔

太廟之典未擬

章皇后字樣甚屬錯誤因將所恭擬內填寫

章皇后字樣具奏得

旨此事不比尋常但聲明錯誤則已該部嚴察具奏所擬

尊諡亦未明晰朕記

太皇太后徽號字甚多即就原

徽號內擬字並未更改今通行改換恐有不合丙午大學士等奏恭查舊檔

太皇太后徽號原有

昭聖慈壽恭簡安懿章慶敦惠溫莊康和仁宣弘靖二十
字

賓天後恭上

尊諡即原字減十五字留五字添擬七字尊為

孝莊仁宣誠憲恭懿翊天啟聖文皇后升祔

太廟

慈和皇太后徽號原有

慈和二字後尊為

孝康慈和莊懿恭惠崇天育聖皇后康熙九年升祔

太廟增定

章字

大行皇太后徽號原有

仁憲恪順誠惠純淑端禧十字今欽遵

上諭照恭上

太皇太后尊諡將原字內留五字添擬七字尊為

孝惠仁憲端懿純德順天翊聖章皇后又將原字內留四

字添擬八字尊為

孝惠仁憲莊定端純順天翊聖章皇后恭候

皇上訓示得

旨前一條所擬是屆期

大行皇太后儀仗全設

皇子承祭如儀恭進

冊文曰禮隆祔配將申假廟之誠義極顯揚特重宗親之
典奉明禋而有恪熙鴻號以無窮欽惟

皇妣大行皇太后儼天體順應地含章鍾渭涖之殊靈繼
蜀山之盛軌歸我

世祖章皇帝克襄內治每持敬慎之小心允協坤承實稟

肅雝之令則訓掖庭以節儉躬曳練衣率嬪御以勤勞
心親織室迨乎奉事

太皇太后重闈擲紕日問長信之安內殿羹湯時視大官
之膳閱歲月而罔懈繫仁孝之夙成六宮被慈惠之恩
感深

聖善四海享和恒之福慶衍昇平辰祀瑤齋事虔修夫蘋
藻流光玉牒化徧洽於睢麟自惟幼冲備蒙

顧復追憶昭隆之德茂著兩朝載懷尊養之忱聿周五紀

謂遐齡之永錫詎

仙馭之遽升逮及無期哀摧至極緬思懿行欲宣述以何

由式奉遺規竭形容而莫罄用諮羣議敬告

三靈謹奉

冊

寶上

尊諡曰

孝惠仁憲端懿純德順天翊聖章皇后於戲考閔宮之樂

頌長發其祥嗣京室之徽音克昌厥後伏冀

慈靈曲眷

神貺斯憑典冊常新等球圖而並重隆名罔極與日月以
齊懸炳耀琅函輝華彤管謹

告

寶文曰

孝惠仁憲端懿純德順天翊聖章皇后之寶

十二月己未恭奉

孝惠仁憲端懿純德順天翊聖章皇后神主升祔

太廟先是十一月甲午大學士九卿等恭議請

孝惠章皇后神牌入

太廟

奉先殿得

旨此議不合朕曾諭衆阿哥爾等同衆阿哥等會議具奏

丙申諸皇子諸王大臣等議奏去歲大事時臣等

親奉

諭旨大學士等恭上

皇太后尊諡將章字遺寫

皇太后係朕嫡母日後神牌升祔

太廟

奉先殿應安奉於

慈和皇太后神牌之上伏惟

皇上至孝超邁千古凡典禮攸關無不敬謹周詳茲恭請
孝惠章皇后神牌應供在左

金史卷一百八
孝康章皇后神牌應供在右請交與禮部改正得

旨是時

聖祖仁皇帝聖體違和是日遣和碩誠親王允祉恭代行

禮王公百官陪祀與

親詣同

太廟前殿致祭

孝惠章皇后寶座設於

世祖章皇帝寶座之次

孝康章皇后寶座設於

孝惠章皇后寶座之次至

中殿安奉

世祖章皇帝神位居中

孝惠章皇后神位居左

孝康章皇后神位居右均南嚮先奉

神主行祇見

列聖

列后禮畢行大饗禮

五十九年恭進

孝惠章皇后玉

冊玉

寶奉安

太廟

臣等謹按恭進

孝惠章皇后

冊十頁青玉脩八寸七分廣三寸九分厚四分鐫字深二釐面底二頁鐫升降龍

寶青玉方四寸二分厚一寸紐高二寸九分廣三寸八分

皇朝文獻通考卷一百八